



SIUMUT
INATSISARTUT

9. august 2013

UKA 2013/32

Inatsisartut suleriaasianni § 33 naapertorlugu aalajangiiffigisassatut siunnersuut una Inatsisartunut saqqummiuppara:

Utoqqalineriuteqartut angerlarsimaffimmintti ikiorteqartarnerminnut
akiliisarunnaarnissaat siunertalarugu Inatsisartut peqqussutaat nr. 15, 20. november 2006-
imeersumi § 29-ip allangortinnejarnissaat siunertalarugu Naalakkersuisut siunnersummik
saqqummiussequllugit peqquneqarnissaannik Inatsisartut aalajangiiffigisassaattut
siunnersuut.

(Inatsisartunut ilaasortaq Kristian Jeremiassen, Siumut)

Tunngavilersuut:

Pisortanit ikorsiissutit pillugit Inatsisartut peqqussuaat nr. 15, 20. november 2006-imeersoq § 29 Immikkoortoq 3 malillugu Naalakkersuisut angerlarsimaffimmi ikiorteqarnermut akinik aaliangersaasarpuit.

Isumaqpunga utoqqalineriuteqartut angerlarsimaffimminni ikiorteqarnerminni akiliisarnerat taamaatinneqartariaqartoq ukiunimi nutaalialaanerusuni aamma tamanna naleqqukkunnaarmat.

Utoqqalineriuteqartut angerlarsimaffimminni ikiorteqarusuttut ikiorteqarsinnaanerat pissusissamisoorpoq, ikiorneqartariaqartummi ikiorneqartariaqarput, utoqqaammi utoqqalinerminni pisariaqartittarpaat ikiorneqarnissaq gangatut pisinnaajunnaarsimanertik pissutigalugu.

Inuit sulereersimasut utoqqalisullu aningaasatigut nammakkersorneqartarnerat allanngortinneqarpat utoqqarnut pitsaasumik kinguneqassaaq ataqqinninnermillu takutitsinerussalluni aamma.

Inuaqatigiinni sulereersimancerup kingorna angerlarsimaffimmi ikiorteqarnermut akiliisarunnaarneq utoqqalineriuteqartut aamma aningasaqarneranut soorunami ajunngitsumik sunniuteqassaaq.

Neriuppunga Inatsisartuni ilasortat siunnersuut manna utoqqarnut pitsanngoriaataasussaq
akuersissutigiumaaraat.

Siunnersuutip aningaasatigut allaffissornikkullu pisortanut kinguneqaatissai

Utoqqalineriuteqartut angerlarsimaffimminni ikiorteqartarnerminnut akiliisarunnaarnerat pisortanut aningaasatigut qanoq annertutigisumik annaasaqaataanissa pillugu siunnersuutip siullermeerneqarneranut atatillugu Naalakkersuisut misisssueqqullugit qinnuigaakka.

Inatsimmik allannguineq allaffissornikkut atorfilitap ataatsip ukiup ataatsip sisamararterutaata missaannik suliaqarneranik naleqarnissaa ataatsimut isigalugu nalilersuutaavoq.

Namminersorlutik inuussutissarsortunut allaffissornikkut aningaasatigullu kinguneqaatissai
Utoqqalineriuteqartut angerlarsimaffimminni ikiorteqartarnerminnut atatillugu akiliisarunnaarrunik aningaasatigut atuisinnaassusaat qaffassaaq.

Innuttaasunut allaffissornikkut aningaasatigullu kinguneqaatissai

Utoqqalineriuteqartut angerlarsimaffimminni ikiorteqartarnerminnut atatillugu akiliisarunnaarrunik aningaasatigut atuisinnaassusaat qaffannera ataatsimut isigalugu innuttaasunut pitsaasumik suinniuteqarnissaa naatsorsuutaavoq.